

Panis Evangelici Fragmenta Qvadragesimalia Tripartita

Ex sanctissimo Dei Verbo copiosé & sedulo collecta, Sanctorum Patrum,
variorumque Auctorum sententiis & conceptibus mirificè aucta; Et
Omnibus Quidem Anni Dominicis; præcipuè tamen singulis Quadragesimæ
Dominicis & Feriis per binas ad minus, sæpius denas aut septenas
Conciones fidi Populo ...

**Lingendes, Claude de
Coloniae Agrippinae, 1689**

XV. Quæ est tertia de Fide, exponit cur Deus voluerit regere homines per
Fidem.

Nutzungsbedingungen


[urn:nbn:de:hbz:466:1-56333](#)

perbi animi. Non credens autem subducit se divinæ obedientiæ: *Non placebit animæ meæ.* In Hebræo: Non est recta anima eius in ipso: quæ verba concordant cum ipsis; *Accedamus ad eum cum purō corde, in plenitudine fidei.* Nos autem (pergit Apostolus) non sumus subtrahendis filii in perditionem; sed fidei in acquisitionem anime. Cætera enim non proderunt ad salutem: fides autem est initium salutis. De ea jam deicere nos volunt, qui vel promissis, vel minis, vel calumniis & persecutionibus, vel authorita-

te pugnant: sed nobis Deus unus est spectandus, eius promissiones attendendæ, eius minæ timendæ: sola gehenna metuenda, eius autoritati deferendum, in qua omnis nostra fides fundata est, sicut in fide omnis spes nostra. Nunc credamus, ut aliquando videamus: nunc speremus, ut aliquando & possideamus, & fruainur: utrumque tantum fiet in gloria, ad quam gratiâ suâ nos perducat CHRISTUS JESUS

Ecclesiæ Sponsus.

Amen.



FERIA QUINTA CINERUM

CONCIO TERTIA

DE FIDE.

Cur Deus voluit homines regere per fidem.

Non inveni tantam fidem in Isræl. Matth. 8.

IN concione præcedenti pauca diximus in lucis commendationem, sed præcipue in laudem fidei, veri lumenis animorum; sed sicut reperti sunt homines adeò lucis ofores, ut sicut ait Iobus cap. 3. *Maledicant diei, & sunt, ut dicitur cap. 12. rebelles lumini;* ita inventi sunt homines qui fidem damnarunt, cuius ego hodie defensionem suspicio, sed non sine lumine Sancti Spiritus, quod non nisi per Virginem

nobis affulgere posse spero, sic Ecclesiæ canente, Tu porta lucis fulgida.
Ave Maria.

Quis unquam credidisset post tam multa fidei elogia, repertos esse homines qui dicenter fideim esse actum humilem & abjectum, & præclaris ingenii indignum, quæ non cœco modo procedere solent, sed cum rerum cognitione, & solam ubique rationem sequun-

sequuntur: cùm intelligent, ideò homines natos esse rationales, ut ratione utantur; non autem ut incredibilia sibi persuadeant, ea tantum de causa, quia hæc ipsis dicta sunt: quæ ratio procedenti, propria esse videtur, aut belluarum, quæ alieno imperio, atquæ ductu reguntur, aut puerorum, & hominum ignorarum, & abiectorum, qui non suo judicio ducuntur, sed alieno: unde magnopere mirantur, quod Deus voluerit homines gubernare, etiam in rebus maximi momenti per viam fidei, cùm magis decorum foret, atque honestum, tūm ipsi Deo, tūm hominibus, ut homines quos fecit rationales, gubernaret ratione, non fide; rerum ipsarum cognitione, non ignorance. Et hinc profecta est nova quorumdam hominum secta, qui se vocant rationales, ut nos à fide fideles, qui in rebus, quæ nobis credendæ proponuntur, eas di-judicant ratione, non fide, eas admittentes quæ cum ratione concordant, alias autem rejicientes quas cum ratione pugnare iudicant. Sed nimur, uti dixit Ambrosius libro de Spiritu Sancto capite 18. Non capiunt fidei magnitudinem angusta impiorum peccatorum: tantum enim abest ut fides sit depressio intellectus, & propria humilitum & abiectorum ingenuorum, ut potius sit summa eorum exaltatio, uti in prioribus concionibus ostendimus, quod enim nullus intellectus potest attingere, si solus sit, & solâ ratione utatur, eo fides pertingit: Ambrosius libro 4. in Lucam cap. 5. Quod mens humana rationis investigatione non potest comprehendere, fidei plenitudo com-

plectitur. Sed quoniam, ut ait Aqostinus Rom. 5. Sapientibus, & insipientibus debitor sum; ac ne videar cum illis summâ authoritate agere, eos etiam audiamus, & cum rationibus, in sola ratione sistentibus, rationem adhibeamus, atque ostendamus, non tantum eos esse fidei inobedientes, sed etiam rationi.

Quærunt itaque 1. cur Deus voluit homines in rebus quoque maximi momenti regere per viam fidei, hoc est per ignorantiam, & cœco modo; fides enim habet obscuritatem, nonevidentiam.

Respondeo 1. cum Apostolo Roman. 9. O. homo, tu quis es qui respondeas Deo? Vox Græca significantius aliquid dicit, qui ex adverso respondeas, seu disputes cum Deo. Nam si Deus nobiscum ageret prosumma potestate, nullus posset conqueri: itaque etiam si quilibet consideret quid fecerit Deus, non tam licet causam inquirere eur fecerit; nisi Deus, & rem, & causam nobis aperuerit. Ita Incarnationē revelavit, & finem Incarnationis, nempe hominum redemptionem: sed cùm Deus aliquid non revelavit, non licet ultra inquirere: unum sufficere nobis debet, nihil de justitia Dei, aut de eiusdem potestate ambigi posse: sic ferè Deus voluit nos rerum existentiam scire, modum autem & naturam voluit ignorare: ita ut ait Sanctus Ambrosius libro 6. in Lucam capite 9. Non licet mihi scire divinæ generationis seriem; non licet tamen nescire generationis fidem. Et in talibus id observandum est, quod docet idem Doctor 1. 1. de vocatio ne gentium c. 7. Quæ Deus occulta

occulta esse voluit, non sunt scrutanda: quæ autem manifesta fecit, nō sunt neganda; ne & in illis, illicite curiosi; & in istis damnabiliter inveniamur integrati. Itaque roganti cur voluerit Deus homines regere per fidem, hæc responsio sufficere deberet, Deum ita voluisse: idem enim est, atque si dicerem, justè voluisse.

Respondeo 2. si homines cum aliis hominibus agentes, ab eis fidem exegerunt, cur Deus ab hominibus fidem exigere non potuit? Certe Pythagoras Italicae sectæ Dux, hanc legem discipulis suis fanciverat, ut quinque annis silentium servarent, & tantum docentem audirent, quibus toto illo tempore, nulla alia dictorum ratio dabatur præter illud verbum, *autos epba*, ipse dixit. Nonne turpe est nos tantumdem Deo non tribuere, quantum Phythagoræ tribuebant, qui se disciplinæ eius addixerant? Plato in Timæo circa Deorum genealogiam Poëtis fidem adhiberi voluit, Homero, Hesiodo, & aliis: nullamque ab eis rationem exigi, licet eorum scripta plena fabulis esse sciamus. Et irrationali judicabitur, ait Theodoreus serm. i. de Græcorum affectionibus, ut docenti Deo credere, homines adhortemnr? Ipse Plato libro i. de legibus, sibi credi vult à junioribus in iis quæ scripsit, sive bene, sive perperam se habeant. Et Philosophis tam diversa docentibus, tam multi fidem habuerunt, cum de rerum principiis, de animorum immortalitate, & de aliis rebus scripserunt; & mirabimur Deum ab hominibus fidem exegisse.

Respondeo 3. omnes disciplinæ &

scientiæ, & artium cognitiones ortum habent à fide; nam ut ait Thcodor. sermone i. de Græcorum affectionib^z, pars est ut prius credat, qui velit addiscere: nunquam enim prima elementa perdiscet, quī literatori fidem non habeat, primam, aut secundam literam sic appellari: nam si neget, dubius errabit, & falsū pro rero sumet: & si obsequatur, statim fidem cognitione, ac scientia subsequetur. Ita & Geometræ fides habenda dicenti, punctum esse cuius pars ulla non sit, & longitudinem carere omni latitudine; hoc autem nullus unquam sermone demonstrabit: nam si latitudine privaveris longitudinem, utique cum latitudine, simul omnem tolles longitudinem: sed tamen ita jubet intelligi Geometra, cui facilè fidem habet, qui lineares illas figuræ avet perdiscere. Idem probat in Astronomia, & in omnibus artibus, in quibus per fidem tyrones statim addiscunt. Idem ostendit in ægrotis respectu Medicorum: in Mercatoribus: in Nautis, & aliis omnibus; unde subdit. Est itaque fides, velut primaria quædam basis, & crepido scientiæ: & sic concludit. Insulsum igitur planè facinus est non ferendum, ut velimus cunctarum artium magistris convenire scientiam, dissentibus autē fidem; ut scilicet cognitionem fides præcedat, subsequatur autem fidem cognitione: & in sola divinarum rerum doctrina factum hoc inverti, ita ut hīc tantum fidei scientia præponatur: in iis enim reb^z quæ videri nō possunt, fidei oculis maximè indigem^z; unde bene monet Isaias, ex versione septuaginta Interpretū: *Si non credideritis, non intelligetis.*

Y Respon-

Respondeo 4. non tantum in scientiis, & in artibus, sed etiam in rebus ferè omnibus humanis, opus esse fide, ut agnovit Sanctus Augustinus. Quis enim sciat, quo patret, & qua Matre sicut natus, & à quibus maioribus sit ortus, nisi ex alieno testimonio ; ut scias in omnibus rebus fidem esse necessariam : & nos privandos non fuisse fide sine magno nostro dispendio. Cur itaque miramur, si Deus fidē à nobis exigat ? Quòd si in tam multis rebus fidem habemus hominibus, cur non etiam Deo habeamus? nam ut ait Sanctus Ambrosius libro 4. in Lucam capite 5. Si Deo non credimus, cui credemus? omnia enim quæ credimus, vel visu credimus, vel auditu : visus sæpe fallitur, auditus in fide est: an afferentis persona discutitur? si viri boni dicerent, nefas putaremus non credere : Deus afferit, probat Filius, refugiens sol fatetur, tremens terra testatur.

Respondeo 5. innumera esse, quæ a littera à nobis sciari non possunt, quam fide, ut omnia super naturalia, qualis est Trinitas, Incarnatio, Eucharistia, & similia. Cum enim Deus hominem evexerit ad statum super naturale, necesse fuit ut daret cognitionem supernaturalem, nam fundamentum entis moralis, est cognitio: talis autem cognitio non debuit esse evidens, quia est status alterius vitæ: igitur debuit esse obscura; talis autem est fides: unde Apostolus 1. Corinth. cap. 13. *Videmus nunc per speculum in enigmate, tunc autem facie ad faciem.* Cùm itaque plurima obiecta superent omnem capacitatem creatam, necesse fuit mentem

attolli, quod fit per fidem: Psalm. 133. *Mirabilis fata est scientia tua ex me, confortata est, Non potero ed eam.* Et quidem tanta est imbecillitas ingenij nostri, ut ne formicę quidem naturam, formatiōnem, indolem, vitam, aetates cognoscere possimus, aut alterius rei maximè obviæ essentiam immo neque rerum, quæ in nobis sunt, aut geruntur: quomodo igitur de divinis rebus & supernaturalibꝫ iudicare potuissimus. nisi diuina sapietia solâ fide ea nobis pateficeret. Ambrosius libro 4. in Lucā capite 5. Quod mēs humana rationis investigatione non potest comprehendere, fidei plenitudo complectitur.

Respondeo 6. cum ad salutē necessariū sit Deum nosse, illi inservire, atque eius voluntati obedire; id autem nemo facere possit, nisi eius voluntatem norit: nemo autem hominis voluntatem sciāt, nisi ipse aperiat, sequitur nullum etiam Dei voluntatem scire posse, nisi aperiat; non manifeste, ut diximus, quia non est status huius vitæ, igitur occulte, ea autem cognitio est fides: de qua agens Theodor. lib. 1. de Græcorum affectionibus, eam sic definit, latentis & obscuræ rei quædam visio, & contemplatio, *aphanous pragmatos theoria*, vel rerum invisibilium apprehensio quædam naturæ compar & congruens. Et sane suavem admodum esse istam Dei dispositionem, vel hinc patet; quia cùm hominum ingenia sint diversissima, & pauci admodum rerum sublimium sint capaces: Nam quis ad notitiam Trinitatis pervenire potuisset? quæ tamē omnia facile credi possunt: ad Dei bonitatem pertinuit, ut ad

ut ad earum rerum scientiam nos non obligaret, sed ad fidem. Ad hæc cùm scientiæ sint adeò incertæ, unde in scientiis tam variæ opiniones existunt, ut scias nihil ferè esse certum, cùm nullum sit ingenium, quod omni errore careat; quam melius & suavius fuit, ut in fide, in qua sunt omnia certa, atque indubitate conquiesceremus, cuius author est Deus, de quo nemo dubitare potest.

Quærunt 2. nostri rationales. Cùm Deus potuerit, carum rerum, quarum cognitionem obscuram nobis dedit per fidem, dare evidentiam, cur non istam potius dedit, quam cæcitatem, cùm homines, eò quod sint rationales, ita potius essent tractandi: nam quia fides est obscura, idcirco id verè nesciunt, quod credunt quod nesciunt: in quo est in certitudo, vacuitasq; rationis, incertitudo quidem propter ignorantiam; hæc autem propter obscuritatem, cum scientia in evidenter constat: rationis vacuitas est, persuadere sibi, & pro certo habere, quod minime scitur, quandoquidem acquiescendi causa, est evidenter & demonstratio.

Possem, Auditores, secundam illam impugnationem refellere iisdem rationibus, quas adversus primam adhibui: cum satisfaciant penitus difficultati, quam mox proposui, sed ut nullam absque responso proprio relinquam.

Respondeo 1. eiusmodi homines, nescire quid sit fides, nec quid sit scientia nostra, & evidenter. Ignorant quid sit fides, quasi mera sit ignorantia, quia fides obscura est, nec habet evidenter: idem enim faciunt quod illi quos Aristoteles reprehendit, qui

in Metaphysicis, & aliis superioribus scientiis, eandem quærunt evidentiam, quam habet Mathematicæ disciplinæ, & qui in rebus moralibus eodem modo procedunt, quo in Physicis & naturalibus, cùm tamen in omnibus scientiis, & diversæ sint abstractiones, & diversa principia. Quod potissimum interest in cognitione, est certitudo, quæ aliunde petitur in fide, quam in scientiis; quæ si ambo comparentur, certiora sunt fidei principia, quam scientiarum; unde sic fidem definit Theodor. orat. 1. de Græcorum affectionibus: Est insita credentium animis, citra ambiguitatem aliquam dispositio? & Apostolus Paulus fidem vocat, argumentum, seu convictionem *non apparentium*: quod si, ut dixit Aristoteles, minima rerum divinarum cognitio, melior est & jucundior perfectissima rerum inferiorum scientia. Verba eius libro 1. de partibus animalium capite 5. sic se habent. Res namque illas superiores, tametsi leviter attingere possumus, tamen ob eius cognoscendi generis excellentia, amplius oblectamur, quam cum hæc nobis iuncta omnia tenemus:) quid de fide nostra sentire debemus, cuius obiectum, scientiarum omnium obiecta præcellit. Ignorant etiam quid sint scientiæ nostræ, de quibus ita loquitur Aristoteles lib. 2. Metaph. cap. 1. Quæ admodum vespertilionum oculi, ad lumen diei se habent; ita & intellectus animæ nostræ ad ea quæ omniū manifestissima sunt. Certè id probat tanta opinione diuersitas in scientiis, & multiplicitas scientiarum. Quod si quidā ex veterib⁹ in apib⁹ dignoscēdis quatraginta años insūpsit,

nec id potuit perfectè assequi , quid de cæterarum rerum cognitione putandum est? si vel culicem perfectè non potes cognoscere , quomodo poteris res supernaturales,& quæ Angelorum captum superant, comprehendere? quæ tamen omnia, *Filius qui est in sinu Patris nobis enarravit.* Deinde omnes scientiæ ortum habent à sensibus, in quibus miræ sunt illusiones , & errores innumeri; quare oportet eos à ratione sæpe corrigi:hinc fit, ut *animalis homo non percipiat ea quæ sunt spiritus:* Fidei autem principium petitur à revelatione & authoritate divinâ , quæ nec falli potest , neque fallere ; unde dictum est Petro Christi divinitatem profitenti Matth. 16. *Quia caro & sanguis non revelavit tibi, sed Pater meus qui in cælis est:quæ verba exponens Sanctus Ambrosius lib. 6. in Lucam capite 9. Caro enim & sanguis non queunt nisi quæ terrena sunt , revelare ; at verò qui spiritu loquitur mysteria, non carnis, & sanguinis magisterio , sed divinâ inspiratione fundatur : noli ergo acquiescere carni, & sanguini, ne carnis & sanguinis haurias præcepta , atque ipsi sanguis & caro fias : qui enim carni adhæret, caro est ; Et qui adhæret Deo, unus spiritus est.* Denique si inter se comparentur istæ cognitiones , nempe scientiarum, & fidei, licet in scientiis sit evidentia, in fide autem obscuritas, non sequitur tamen in scientiis majorem esse certitudinem: nam quid iuvat evidētia in scientiis , nisi ad certitudinē? atqui maior est in fide certitudo, quam in scientiis , propter obiectum magis necessarium, ob principia magis infallibilia, & ob modum procedenti minus

errori obnoxium,uti in prima concione à nobis explicatum est. Quin etiam, uti in ista diximus , nemo ad scientiam pervenit, nisi per fidem ; quam idcirco Epicurus appellare solebat ex Theodoreto sermone iam toties laudato, præsumptionem rationis, atque discursus, anticipationem quandam, & quasi ad sermonem,rationemque, ingressum. Sic ab Aristotele *kritirion episimis*, iudiciorum scientiæ appellatur, hoc est,scientiæ iudicium , censura , & probatio , seu fundamentum ratiocinationis , quia fides ad acquirendam & examinandam, discutiendamque scientiam necessaria est: quod ipsa experientiâ, & usu rerum demonstratur. Nam sicut lux,quæ per se est manifesta, non sufficit vespertilioni, ad bene videndum (licet enim nihil desit ex parte obiecti, deest tamen aliquid ex parte potentiae) ita non sufficit evidētia in obiecto, sed requiritur aliquid ex parte intellectus , ut nimis reæ partes apprehendat, quas per judiciū connectit.

Jam nec illud omittere volo , fidei quoque suam non deesse evidentiam: si enim fides humana aliquam habet evidentiam , ut esse urbem Romam , & Constantinopolim, licet nullam harum videris; certè multò magis fides divina suam habet evidentiam:quæ enim primo modo creduntur,nituntur autoritate humanâ , ita tamen ut nemo sanus dubitare possit : nam quis credit tot homines tam diversis temporibus existentes, tot locis, & rebus omnibus separatos, nullo lucro, atque emolumento , nullaque causa in id convenisse ut tibi imponerent? Sed quæ secundo mo-

do

do creduntur, auctoritate divinâ nuntiatur; plus autem Deo credendum est, quam homini, Joan. i. *Si testimonium hominum accipimus, testimonium Dei maius est.* At testimonium divinum multiplex est, & præcipue in miraculis, ac Prophetiis. Quod pertinet ad miracula, Ambrosius in cap. 5. epistolæ ad Romanos. Quia fidei nostræ rationem humana verba asserere non valent, virtutum testimonio, quæ cùm tacent, clamat, rationalis approbat. Et certè quis afferenti Deo repugnet? & quæ fortior asseveratio, quam miraculorum patratio? Joannis 11. Lazarum Christus suscitatur, sic ad Patrem orat: *Ego autem sciebam, quia semper me audis, sed propter populum qui circumstat, dixi, ut credant quia tu me misisti.* Hæc cùm dixisset, voce magnâ clamavit: *Lazare veni foras;* & statim prodiit, qui fuerat mortuus. Et Matth. 9. Ut autem sciatis quia filius hominis habet potestatem in terra dimittendi peccata, tunc ait Paralytico: *Surge, tolle lèdum tuum,* & *vade in domum tuam,* & *surrexit,* & abiit in domum suam. Sanè non fuerant necessaria miracula, si homines faciles fuissent ad fidem: sed quia ferè homines non assentiuntur, nisi habeant aliquam evidentiam, Deus adhibuit miracula, ut Jam non dubitarent de Dei testimonio. Unde pergit Sanctus Ambrosius. Nam sicut peregrini hominis, improbabilis origo in terra aliena est, ita & fidei nostræ veritas peregrinatur, in terris: & quia natura eius, verbis explicari non potest, virtutis quæ maior res est, testimonio commendatur. Idem dico de Prophetiis; nam ut Sanctus Joannes Apocalyp. 19. *Testimonium Jesu est spiritus Prophetæ:* unde Sanctus Ambrosius in cap. 12. ad

Roman. Prophetia prima probatio est rationabilem esse fidem nostram: denique credentes accepto Spiritu prophetabant: itaque Sanctus Doctor concludit, indubitablem esse fidem nostram, quæ tot testimoniorum stabilita sit, sermone in festo Sanctorum Nazarij, & Celsi. Non sine magno discrimine, de religiosis veritate dubitamus, quam tantorum sanguine confirmatam videmus. Magni periculi res est, si post Prophetarum oracula, post Apostolorum testimonia, post Martyrum vulnera, veterum fidem, quasi novellam discutere præsumas; & post tam manifestos duces, in errore permaneas, & post morientium fidores, otiosa disputatione contendas. Uno verbo si apertè Deum vide remus revelantem, jam esset aliqua evidenter non in re revelata, sed in revelante; sed si sit non manifestus revelans, sed manifesta revelatio: quis dubitet quoque esse aliquam evidentiam: at miraculorum patratio manifesta est revelatio; cùm constet solum Deum miraculorum esse authorem. Cùm itaque omnis nostra fiducies resolvatur in Dei revelationem, & auctoritatem, sequitur ita esse obscuram, ut tamen aliquam habeat evidenter: nam manifestum est Deum non pessè testificari falsum; quia Deus prima est veritas, quæ nec fallere potest, neque falli: hinc patet in fide suam quoque esse evidentiam: unde, uti diximus, Sanctus Ambrosius fidem nostram rationabilem appellat ex miraculis. Vide ergo an sit in fide incertitudo, & irrationabilitas: incertitudo quidē cùm nitatur primâ veritate irra-

irrationabilitas: in moti vis credendi: & num bene dictum fuit à S. Prosp. si decepti sumus, à te decepti sumus, quia tanta facta sunt, ad credendorum probationem, quæ non nisi à te fieri potuerunt. Tu non dubitas credere suisse aliquando Alexandrum Maced. Regem, & eius victorias, & prælia, quia tot habes authores, qui id asserunt, quos non potes judicare ex compagno mentitos esse: idque tam certum putas, quæ quod oculis tuis vidisti: & quidquid tibi dicatur de vanitate famæ, & scriptorum mendaciis, non tamen potes hoc à tuo judicio impetrare, ut dubites ea omnia vera esse: quanto magis debes credere, quæ tot miraculis, & tot testimoniorum confirmata sunt? *Si testimonium hominum accipimus, maius est testimonium Dei.* Certè, uti dixit Ambrosius lib. 4. in Lucam capite 5. Si viri boni dicent, nefas putaremus non credere: Deus asserit, probat Filius, refugiens sol fatetur, tremens terra testatur, & tu postea dubitabis.

Respondeo 2. cum Sancto Ambrosio in cap. 5. epistolæ ad Romam. Ideò Deum homines per fidem regere voluisse, non per rationis evidentiam: quoniam cùm mundus certa lege, & potestate gubernetur, & regamur modo definito a Deo, homines autem, circa rationem carnis studiosi, Deum huius mundi opificem neglexerunt, Deus ut errorem auferret, & Dominum se omnium demonstraret, hoc se posse, & fecisse prædicari voluit, quod mundo impossibile est, ut qui hoc crederent, damnatis iis qui ratione mundi inflati, Deum neglexerunt, discreti salva-

rentur, Dei dominio mancipati. Eandem rationem attulit Paulus 1. Cor. cap. 1. *Nam quia in Dei sapientia, non cognovit mundus per sapientiam Deum:* Hoc est postquam Deum, qui seipsum in officio mundi, tām sapienter disposito, & in creaturarum inspektione ostēdit, mundus non agnovit, quod tamen facere debuisset; *Placuit Deo, per stultitudinem predicationis, salvos facere docentes:* Vixum est Deo aliam planè viam inire, & homines per fidem ad se allicere, eis proponendo, quæ secundum communem rationem intelligendi, videbantur rei cienda, & contraria rationi. Unde patet cur Deus non per evidentiam obiectorum homines rexerit; sed per fidem, & obscuritatem: quia enim homines in rerum evidentiā cæcutierunt, per rerū revelatarū obscuritatē illuminati sūt, & sic justificata est sapiētia à filiis suis Mat. 11. dū eos modis omnib⁹ adjuvit.

Respondeo 3. ideò Deum regere homines per fidem, ut captivantes intellectum nostrum in obsequium fidei, illum totum Deo subiiciamus, & agnoscentes imbecillitatem mentis nostræ, & divinæ sapientiæ altitudinem, Deum sic honoremus: est enim fides nostra Deo gloriosissima, propter summam ei subiectionem principalis potentiarum. Sicut enim serutator majestatis opprimetur à gloria: Et sicut summa est superbia Deum velle comprehendere: uti summa temeritas fuit in Eudoxo, cupere Solēm è propinquō intueri, quamvis sciret se eius radiis, & nimiā luce consumendum: ita è contrario summa est humilitas suum intellectum per fidem subiicere. Certè Isaías Angelos vedit corām

coram Deo faciem suam obvelare, quasi contra aspicere non auderent. Summus Sacerdos in Sancta Sanctorum ingressurus, Thymiamate nebulam faciebat, ne Arcam nudam aspiceret: Exodi 3. cum Moyses ad rubum ardentem accessisset, abscondit faciem suam: Non enim audebat aspicere contra Deum. Et ut agnovit Salomon in sui Templi dedicatione, cum nubes implexisset domum Domini, habitavit Deus in nebula. Scientiae quidem suis obiectis dominantur: at fides se subiicit suo obiecto; & hoc etiam ipsi homini honorificum est: ut enim magis honorificum est suo Regi reverentiam exhibere, quam suis servis imperare: Ita longè majus est Deo perfidem se subjcere, quam per scientias earum obiectis dominari.

Respondeo 4. cū vita æterna ad quam homines sunt evecti, sit supra naturam ea quoque quæ ad illam ducunt, debuerunt captum nostrum superare, ut esset proportio inter finem, & media: hinc tantopere in scripturis sanctis donum fidei commendatur, & ex divinâ illustratione haberi dicitur.

Ex his omnibus patet luce clarius fidem non esse irrationalem, neque ex parte Dei, cū tot sint rationes, ob quas decuit Deum regere homines per fidem: neque ex parte hominum, qui cū tam multa credant propter hominum testimonia, multo magis credere debent quæ Deus attestatur. Nam, ut ait Sanctus Ambrosius libro 1. de Abraham capite 15. Quam in dignum ut humanis testimoniis de alio credamus, Dei oraculis de se non credamus. Et apud Sanctum Ioannem: Si testimonium hominum

accipimus, testimonium Dei maius est. Hoc saltem Deo concede, quod concedis hominibus.

Quærunt 3. nostri Rationales: si natura carum rerum quas à nobis Deus credi voluit, talis erat, ut à nobis non aliter sciri possent, quam per fidem; an non satius fuit ea à nobis penitus ignorari, quam ita sciri; cum hoc non sit scire, sed ignorare: præsertim cum eius generis cognitio nobis sit inutilis. Quid enim iuvat ita scire ut nescias: dcinde quid juvat ad opus hoc scire, verbi gratia, tres esse in Deo personas: Filium procedere per viam intellectu, & in naturæ similitudinem, & per veram, & propriæ dictam generationem: Tertiam vero personam tantum procedere, idque per viam voluntatis, & per amore: & alia innumera eiusmodi, quæ nobis credenta proponuntur.

Vide quo progrederiatur prudentium, & sapientium mundi temeritas, qui ut ait Sanctus Ambrosius in cap. 5. epistole ad Romanos. Audaciæ verborum, terroris armis, contra cælestia dimicant, & carnalibus adversus spiritualia; & prudentes se dicere non crubescunt, quasi humana prudentia Dei sapientiam superarit. Sed ut ad hanc obiectione respondemus, atque ut omne os obstruat,

Respondeo id à Deo sapientissime factum fuisse, multis obcausis.

Et primo quidem, ut mens nostra supra se & omnia humana ad divina erigeretur: si enim Deus non ea proponeret, quæ captum humandum excedunt, mens sursum non se attolleret: sed in suo gradu, & infima sorte maneret, neque

neque ad Dei visionem disponeretur: fides enim supernaturalium, media est inter cognitionem naturalem, & visionem beatificam: undè proportionem habet, & cum statu huius vitæ, & cum fine, ad quem hæc vita medium est.

Secundo, subiiciendus fuit noster intellectus divinæ sapientiæ, etiam in rebus quæ nobis eveniunt, & in Dei gubernatione, ut crederemus omnia à Deo fieri sapientissimè, nec adversus eum murmuraremus, si bonis adversa, impiis prospera eveniāt; ipse enim sapientissimè omnia disponit. Quidquid enim vel permittit, vel decernit, id facit, vel ut peccata puniat, vel ut nos ad bonum excitet. Cum itaque in rebus nobis propositis, intellectum subiecerimus, ut credamus: idem quoque in Dei gubernatione faciemus. Quod autem dictum est, per fidem nos ita scire, ut nesciamus, bonum sensum habere potest, & malum: bonum quidem si intelligamus, in fide simul esse certitudinem, & obscuritatem; hæc enim est natura fidei, quæ, ut ait Sanctus Petrus in sua secunda epist. cap. 1. *Est in luce lucernæ in caligino loco, donec dies elucescat: lucerna est, quia lucet: sed lucernæ lumen habet aliquid obscuritatis;* pars enim loci illuminatur, pars relinquitur in tenebris; unde dicitur lucere in caliginoso loco. Præterquam quòd in rebus quæ credendæ proponuntur, est semper aliquid quod Deus revelavit, & hoc Deus nos scire voluit: & est aliquid quod non revelavit, & illud voluit nos ignorare. Ita de æterna Verbi generatione loquens Sanctus Ambrosius lib. 4. in lucam cap. 5. Non licet mihi scire quemadmodum natus sit;

non licet tamen nescire quòd natus sit. Seriem generationis ignoro; sed authorem generationis agnosco: non interfuius cùm ex Patre filius nasceretur, sed interfuius cùm à patre Filius Dei diceretur: si Deo non credimus, cui credemus? Ita aliquos esse prædestinatos, & alios reprobatos sine Dei iniustitia fides docet; cur autem hos elegit, & non alios, hoc ab hominibus ignorari voluit: unde Pauli exclamatio Roman. 11. *O altitudo divitiarum sapientiæ, & scientiæ Dei, quæ in comprehensibilia sunt iudicia eius, & investigabiles vie eius. Quis cognovit sensum Domini, & quis consiliarius eius fuit?* Ita cùm plurima de extremo iudicio revelasset, noluit tamen nos scire diem Judicij. Et ferè in omnib' rebus fidei, quædam à nobis sciri voluit, alia autem ignorari: & in illis, ut dixit Sanctus Ambrosius lib. 1. de vocatione Gentium cap. 7. *Quæ Deus occulta esse voluit, scrutanda non sunt; quæ autem manifesta fecit, non sunt negligenda, ne in illis illicite curiosi, & in istis damnabiliter inveniamur ingratiti.* Dixi quoque illud quod dictum est, fidem esse ignorantem, malum sensum habere posse, quasi quod fide tenemus, incertum sit atque dubium, cùm fides quævis scientiæ certior sit atque indubitator: unde eam ita definit Theodore. ser. 1. de Græc. affect. Circa id quod verè est animi adhæsio, & constantia. Et sane quis pro scientiis & pro Philosophorum dogmatibus, sua deserere, & rebus omnibus nunciū dare voluit? Sed quis tormenta pati, quis unquam mori voluit, cù pro fide tuenda in numeri Martyres mortui sint.

Jam

Jam quod dictum est fidei cognitio-
nem esse inutilem , sine ratione dictum
est ; nam sive agatur de cognitione , sive
de opere , ad utrumque fides utilissima
est : ad cognitionem quidem , quoniam ,
uti diximus ex S. Ambros. lib. 4. in Lu-
cam . cap. 5. Quod mens humana ratio-
nis investigatione comprehendere non
potest , fidei plenitudo complectitur.
Ad opus autem ; quia hanc rerum serię ,
in omni fide etiam humana , agnoscit
Theodor. serm. 1. ut cognitionem fides
præcedat ; subsequatur autem fidē co-
gnitio , hanc autem subeat appetitus ,
postremorei appetitum , & functio , &
actio subsequatur : par est enim ut pri-
us credat , qui velit addiscere , parta-
que cognitione , moveri aliquo appre-
titu ; motum denique , ac impulsu , ag-
grederi aliquid ac peragere . Et ideo fidem
divinam , hoc est , quā Deo credimus
appellat , ut iam dictum est . S. Ambr. l. 1
de vocat. Gentium cap. 8. bonae voluntatis , & justae actiones genitricem . Ita-
que Deus prius in intellectu motum
excitat fidei , quā motum voluntatis :
quasi ex fide omnes motus in volunta-
te excitarentur . Nam timor Dei sequit-
ur fidem , quā Deum credimus omnium
malorum actuum vindicē , & puni-
torem . Spes sequitur fidem , quā ipsum
credimus Redemptorem , & remunera-
torem : amor , quo credimus esse sum-
mum bonum , & summè perfectum : &
ita in aliis . Iam omnia præclarè facta
sequuntur fidem : hinc Apostolus Paulus
ostendit Hebr. 11 . Veteres omnes nihil
egisse eorum quæ admiramur , nisi per
fidem : itaque fidei attribuit , quod Abra-
ham vir tantus evaserit . Fide (inquit)

qui vocatur Abraham , obediens in locum ex-
ire , quem accepturus erat in hereditatem , &
exit nesciens quō iret : fide remoratus est in
terra re promissionis , tanquam aliena , in casu-
lis habitando , cum Isaac , & Jacob cibis credibus
re promissionis eiusdem : expectabat enim funda-
menta habentem civitatem , cuius artifex &
conditor Deus . Deinde : Fide obtulit Abra-
ham Isaac , cum tentaretur , & unigenitum of-
ferebat , qui suscepit re promissiones , &c. ar-
bitrarius quia & à moriū suscitare potens est
Deus ; unde eum & in parabolam accedit . Fide
& de futuris benedixit Isaac Jacob , & Esraij .
Fide Jacob , moriens , singulos filiorum Ioseph
benedixit , & adoravit faſligum virginis eius .
Fide Ioseph , moriens , de profecione filiorum
Israël memoratus est , & de ossibus suis manda-
vit . Eodem modo fidei attribuit , quæ-
cumque à Moysē peracta sunt . Fide Mo-
yses grandis fadus negavit se esse filium filia te
Pharaonis : &c. fide reliquit Aegyptum , non
veritus animositatem Regis : invisibilem enim
tanquam videns sustinuit . Fide celebravit
Pascha , & sanguinis effusionem , ne qui vasta-
bat primitiva , tangeret eos : fide transferunt
mare rubrum tanquam per aridam : & alia
plurima quæ recenset , ut scias fidem
bonae actionis esse genitricem : unde
non mirum si moneat Apostolus Ephes.
6. Ut in omnibus sumamus scutum fidei ; quia
in omnibus agendi occasionibus , le se
fides interserit : v.g. occurruunt divitiae :
veniat statim in mentem quod Chri-
stus dixit : Impossibile est divitem salvare ,
Vx vobis divitibus ? Divitias esse spinas ,
& alia eiusmodi à Christo , & ab Apo-
stolis dicta , quæ in fidei materiam tran-
sierunt : Titillant voluptates : Veniat in
mentem illud Apocalypseos : Quantum
in delitiis fuit , tantum date illi tormentum .

Offert se tibi pauper : Quod uni ex ministris fecisis, mihi fecisti. Occurrunt afflictiones : veniat in mentem quod dixit Sanctus Petrus in sua Prima epistola capite 4. Si exprobramini in nomine Christi, beati eritis; quoniam quod est honoris gloriae, & virtutis Dei, & qui est spiritus, super vos requiescit. Et Sanctus Jacobus in sua epistola cap. 1. Omne gaudium existimat, fratres mei, cum in variis temptationes incideritis. Veniat in mentem quod Christus dixit Matth. 5. Beati qui persecutionem patiuntur propter iustitiam, quoniam ipsorum est regnum celorum. Beati eis qui maledixerint vobis, & persecuti vos fuerint, & dixerint omne malum adversum vos mentientes, propter me; gaudete & exultate, quoniam merces vestra copiosa est in celis : Sic enim persecuti sunt Prophetas, qui fuerunt ante vos. Vx illud Psalm. 90. Cum ipso sum in tribulatione. Sicut itaque honoras species sacramentales ob corporis Christi presentiam : ita & afflictiones plurimum estimare debes, & eos qui illas patiuntur, quoniam habent Deum praesente, & Spiritum Sanctum ut ait Sanctus Petrus: Et qui est eius spiritus, super vos requiescit. Eadem ratione procedere debes in ceteris rebus, in omnibus eventibus, in omnibus negotiis : nam ubique nobis opitulari potest. Hinc rerum omnium despicientia, rerum futurorum desiderium, amor cœlestium, vita neglegens, spes immortalitatis, difficultatum victoria, securitas in periculis, prælatorum facinorum suscepio.

Inde agnoscimus veram causam, cur inter Christianos rarae sint virtutes exemplim; scilicet quia fides est paucorum: nam & si plures appellentur fideles, quoniam multi Christiana fidem profitentur, tamen si illi tantum sunt fideles, qui fidem habent, paucissimi sunt qui dici possunt, & appellari fideles. Et jampridem querela est summorum virorum, nullam esse inter homines fidem Christianam: ac illud tempus advenisse, de quo Christus Lucæ 18. Filius hominis veniens, putans inveniet in terra fidem? Nam ut omittam innumeros quotidie oriri errores, atque haereses quotidie pullulantes, quæ efficiunt, ut admodum pauci dici debeant fideles; inter eos qui orthodoxy vocantur, quot sunt, qui fidem habeant? Quod operantur ex fide, uti suarum actionum principio. Quot vivunt secundum principia fidei, & divinae axiomata veritatis? quot secundum religionis nostræ principia? Non contemplabitur nobis, quæ videntur, sed quæ non videntur, quæ enim videntur, temporalia sunt, quæ non videntur, eterna. Tu si vere, quæ Christiana fides docet crederes, itane viveres, ut facis? Ex duobus alterum est necessarium, aut ut non credas, aut si credis, ut insinas: Nam ut ait S. Jacobus. Ostende mihi fidem tuam sine operibus: quasi dicat. Opera sequi fidem: & postea ex ambabus oriri beatitudinem. Ad quam nos perducat Jesus Christus. Amen..